

## TIŞERRIHT TAGRAGHLANT IZERFAN N WEMDAN

Yesbudan d yesse ran deg wegraw amatu seg use ti-s 217 A. (III) di 10 dujember 1948

### ANAKCHAM

Imi asmussen n lħwerma i ttalassen akkw yâggalen n twachult talsawt d yizerfan n sen yemsawan, d nitni i d llsas n tlelli, taghdemt akkw d- tifat deg wmadal (di ddunit).

Imi kra n widn nesmussen ara izerfan n wemdan d widn iħeqqren s lkhwedm n lewħuch yesserfayen tamsakwit n talsa akkw d- tlilin umadal and'ara hedren u and'ara yammen yemdanen s tlelli idg ur yelli la aseħheb la lmizirya, d nettat i d asirem âlayan n wemdan.

Imi tebbwi - dd nnig kra yellan ad ttuħudden izerfan n wemdan s nnidam azerfan i wakkn ur yettuħerrs ara wemdan di taggara alamma yughal d amnafeg đadd temħeqranit akkw d unaghur.

Imi yessefk ad tennerni tegmi d wassaghen n tmidwa d lemħibba gar yeghlanan.

Imi di lqanun izerfan n wemdan imudan n ledjnas yedduklen berrħen i tikkelt tajđidt laman n sen deg zerfan ilsasiyen n wemdan di cħerf akkw d wazal n bnadem di tugdut izerfan n tulawin d yergazen u berrħen belli qeşden ad snernin aqeddem amgarwan u ad sbed'den tigwnatin timenyafin n tudert di tlelli yettimghuren.

Imi, timura yetteskin di ledjnas yedduklen lezment iman n sent ad myallent (ad mmâwanent) i wakken ad demnent nitenti d-tuddsa n ledjnas yedduklen, di mkull timura leqder aħeqqani izerfan n wemdan akkw tlella tilsasiyin.

Imi afham amechruk n tlella d yizerfan agi degs lqima tameqwrant i wakken ad uqment leqder tmura leqder i lâhd n sent.

Tajmâit tamatawt

Tberreh belli tşerriht agi tagraghlant izerfan n wemdan d anawad amechruk igher ssaramen imudan d yeghlanan akken ma llan i wakken akkw yemdanen d yâggaln n temgarwa i glan (i ges an) dima tşerriht agi di lbal n sen, ad skhedmen akkw lmedjhud n sen, s leqraya d ttrebga i wakkn ad senernin aqader n tlella d yizerfan agi u ad demnen s ttawilat idd iteddun s lâqel, (wa deffir wa) deg wennar aghelnaw d ugraghlant asmussen d usnefdes igraghlant iheqqaniyen gar imezdağhen n ddulat tâggalin s timmad n sent nagh gar yimezdağhen n tmizar i gellan ddaw lhwekm n sent aghedman.

Tamadda 1:

Imdanen, akken ma llan ttalant d ilelliyen msawan di lħwerma d yizerfan- ghur sen tamsakwit d lâquel u yessefk ad-tili tegmatt gar asen.

Tamadda 2:

Kull yiwen ghur-s lħeqq ad ighellat tilella d yizerfan idd yeddant di tşerriht agi bla tarayit idd yettasen si cchetla, d llun, d ldjens d tutlait, d dđin d řray asiya nagh řray iden i gerzan lasl aghelnaw, tamgarwa, aila talalit nagh liħala n iden yehwa yas d argaz nagh d-tameřtut.

Rnu gher-s, ur ilaq ara ad-tili trayit yebnan għef liħala tasiyasit, tagħedmawt nagh tagraghlant n tmurt nagh n temnadit ideg yezdeğħ wemdan yehwa yas tella tmurt agi nagh temnadit agi d- talellit nagh ddaw lewkala, nagh ur tehkim ara deg yiman is nagh ur tekmi ara tlelli ines.

Tamadda 3:

Kull amdan ghur es lħeqq n tudert, tilelli d laman għef timmad is.

Tamadda 4:

Ur ilaqar a ad yuğħal wemdan d akli nagh d aqeddach n wemdan iden. Tasakla d uzenzi n waklan ttuħerřmen mađi.

Tamadda 5:

Ur ilaqara ad yettuselleṭ ghef umdan uâqeb nagh ssikis d- teghriwin yesnughbuyen, itekksen fell as sser.

Tamadda 6:

Ang'is yehwa yili wemdan, ghur s lḥeqq ad yettwag leqder i timmadit is taghedmawt.

Tamadda 7:

Akkw indamen msawan zdat lqanun u ghur sen lḥeqq bla afraz i wakkn atn iḥudd lqanun - ghur sen irkwelli lḥeqq i uḥuddu, akken ma llan ḍedd tarayit ur nwufq ara tiṣerriḥt agi.

Tamadda 8:

Kull amdan ghur-s lḥeqq ad ichetki i tnehkamin tighelnawin yettuk'ellfen i wakkn ad fkent lḥeqq ḍedd tneḥyafin ur nettqadar ara izerfan ilsasiyen is yettak udustur d lqanun.

Tamadda 9:

Ula d yiwen ur yezmir ad yettwaṭṭef, nagh ad yettwaḥbes nagh ad yet twanfu s ldjur.

Tamadda 10:

Kull amdan ghur-s lḥeqq ad-tâddi tluft is zdat tnehkamt, âinani, bla tneḥyaft i wakkn ad - tseyyi ma seḥḥant telzimin is d yizerfan is nagh ma d-tidett wayn - idd gren fell as deg wennar n lâqubat.

Tamadda 11:

Kra n win yettutéhmen s ssiya ad yettwaḥseb d imzekki alama yettuṣeḥḥeh s lâdel ddenb idd gren fell as, âinani, zdat tnaḥkamt and'ara yettwadmen akkw wayn i glaqen i uḥuddu ines.

Ula d yiwen ur yettwaḥkam ara fell as ma yekh dem kra n ssiya yettuḥeṛṛmen nagh ma iferreṭ di kra

iwudjben fell as ma yella di tallit ni ayn idd gren fell as ur ikhulfara lqanun aghelnaw nagh agraghlân, yerna lâquba ur d as-dd yettak ara ad - tagwar tin is i għekkm lqanun di tallit ideg teđra ssiya.

Tamadda 12:

Ur yezmir ħedd ad yessekchem iman is s ldjur di tudert n wemdan, di twachult is; deg wekkham is, timuzniwin is nagh ad yessims lħwerma-s d nnif is; kull amdan ghur-s lħeqq at iħudd lqanun si tiytiwin yechban tigi.

Tamadda 13:

Kull amdan ghur-s lħeqq ad yelħu s tlelli u ad yekhtir tanezdught di tmurt is.

Kull amdan ghur-s lħeqq ad yeffegh si yall tamurt ghas d - tamurt is u ma yehwa yas yezmer ad yughal ghur es.

Tamadda 14:

Ma yella yettwahres wemdan s ldjur, ghur-s lħeqq ad yesdari iman is u ad ighellet lânaya n tmura iđen.

Amâni ur d-as-dd tebbw ara ad ighellet lħeqq agi ma yella yekhdem ssiya ikhulfen lqanun amechruk nagh ayn ur nwufq ara inawađen d yimenzayen n tmura yedduklen.

Tamadda 15:

Kull amdan ghur-s lħeqq i tghelna is yehwan.

Ur d-as yettwakkes i yiwen s ldjur la taghelna ines la lħeqq ubeddel n tghelna.

Tamadda 16:

Mi geblegh weqchich nagh teqchicht, ghur sen lħeqq ad zewdjén i wakkn ad bnum tawachult bla ma

yettuqegged lḥeqq gi s cchetla, taghelna, nagh ddiyana msawan deg zerfen m'ara zewdjen, nad'am zewdjen nagh m'ara yefsekh zzwadj.

Ur yettili zzwady alamma s lebghi d umyeqbel ukmil n wergaz d- tmettut.

Tawachult d-tagwejdīt talemast n temgarwa, ghur-s lḥeqq att thudd temgarwa d ddula.

Tamadda 17:

Amdan yehwa yas weḥd-es nagh d amezday ghur-s lḥeqq ad yekseb aila.

Yiwen ur yezmir ad yettuḥeṛrem seg waila-s.

Tamadda 18:

Kull amdan ghur-s lḥeqq i tlelli n tedmi, tamsakwit d ddiyana, lḥeqq agi tetteski deg-s tlelli ubeddel n ddiyana akkw d wayn is yettamen, wehd es nagh gar medden âinani nagh di sser, s uselmed s tegdimin, s wâbâd d umares n lemdeheb.

Tamadda 19:

Kull amdan ghur-s lḥeqq n tlelli di ṛray d lmenteq anda yetteski lḥeqq ubeggen n ṛray bla ma yettuchebbwel u daghen tebbwi yas-dd ad inadi, ad yettef, u ad yefser di yall tamurt isallen d- tedmiwin s yall ttawil n wentaq.

Tamadda 20:

Kull amdan ghur-s lḥeqq i unejmâ akkw d- tdukla di tifat.

Yiwen ur yezmir ad yettuḥettem i wakken ad yetteski di tdukla.

Tamadda 21:

Kull amdan ghur-s lħeqq ad yetteski deg wselħuy n temsal n bailek n tmurt is, ama netta s timmad is, nagh s win yekhtar d amtil is.

Kull amdan ghur-s lħeqq amm netta am wiyad ad yettef amkan di lħirfat n bailek n tmurt is.

Lirad umadan d nettat i d llsas n lħiba n lehkwem n bailek- yessefk add tħan s tefrant zeddigen idg ara tteskin meddn irkwelli u ara yilin si lweqt aar wayeđ di tugdut d sser nagh s ttawil iđen it yechban ara iđemnen tilelli n tefrant.

Tamadda 22:

Kull amdan yetteskin di temgarwa ghur-s lħeqq di laman amgarwan gges den ad ikafi izerfan is isagrawen imgarwanen d yidelsanen imsefken i lħweřma d usegmi alelli n timmadit is s tejmilt n lmedjħud aghelnaw d umyalli agragħlan s wayn ara yembwafaqen netta d nniđam d lerzaq n kull tamurt.

Tamadda 23:

Kull amdan ghur-s lħeqq i ikheddim ara yekhtir akkn is yehwa s cħurut n lâdel imsefřaħen ar'at iđemmen għef ticħumert.

Imdanen akken ma lħan ghur sen lħeqq bla tarayit i tjernanin yemsawan għef ikheddimen yemsawen.

Kra n win ikheddimen ghur-s lħeqq i tjernant taħeqqit, timsefreħt ar'as iđemnen i netta d twachult is tudert iwufqen lħweřma n wemdan ara yettuk'emmlen ma yebgha lħal, s kra n ttawil iden uħuddu amgarwan.

Kull amdan ghur-s lħeqq ad yessebdeđ netta d wiyad tidukliwin ikheddamen nagh ad icharek di tdukla ara iħudden lmeslaha ines.

Tamadda 24:

Kull amdan ghur-s lħeqq i rraha d- tukksa n lkħiq (d ugunfu) u ladgha di lħedd iqebbel lâqel n lweqt

ikheddim akkw di ttriḥ yettwakhelsen, si lewqt aar wayeḍ.

Tamadda 25:

Kull amdam ghur-s lḥeqq i lmizan n tudert ar'at iqidden i tṭmana n tṣeḥiḥt is (n tezmert is), liser ines akkw d-  
twachult is, ladgha i isafarn n tuççit, llebsa, tanezdught, adawi timezgiwin (tijmilin) timgarwiyin ilaqen,  
ghur-s lḥeqq i tṭmana ma ur ikheddmara, ma yuḍen, ma yella d anâibu nagh d adjjal, nagh d awesran nagh  
kra n yimi ar d as ruḥent ttawilat n tudert ma yekka-dd waya nnig tezmert is;

Tiyemmatin d yigwerdan ghur sen lḥeqq i tallalt (lmâwna) d uḥuddu ikhsusiyen. Akkw igwerdan ilulen di  
zzwadj nagh beṛra n zzwadj ghur sen lḥeqq yemsawan di tussra (tṭmana) tamgarwant.

Tamadda 26:

Kull amdan ghur-s lḥeqq di leqraya ur nessefk ara fell as lekhlaṣ ladgha leqraya tamenzut akkw d- telsasit.  
Leqraya tamenzut d- tamelzumt, leqraya tatiqnit d uselmed n lhirfat yessefk ad ilin d imatawen, tabburt  
unekchum gher tlumdiwin tunnigin (âlayen) yessefk ad-tili s lâdel i meddn irkwelli ghef lehsab n wakken  
zewren.

Ttrebga yessefk ad- tessiweḍ ghr usefti n timmadit d usedjhed n leqder izerfan n wemdan akkw d tlella  
tilsasiyin, tebbwi-dd ad- tweṣṣi ghef usefhem d umsameh d lemhibba gar tmura akken ma llant d yimudan d  
ddiyanat i tutffa n lehna.

Imawlan ghur sen lḥeqq d imezwura ad khtiren ṣṣenf n ttrebga ara fken i warraw n sen.

Tamadda 27:

Kull amdan ghur-s lḥeqq ad yetteski ma yebgha di tmeddurt tadelsant n tmurt is, ad yestummen i lfenn  
(tazuri) akkw d tegmi n tussna d wayen idd ttaken n lfaida.

Kull amdan ghur-s lħeqq uħuddu n lfaida ines tanamkawt akkw d- tmaddawt idd yekkan seg wayn idd yesnulfa di tussna, di tmedyazt (tasekla) nagh di lfenn.

Tamadda 28:

Kull amdan ghur-s lħeqq deg wennar amgarwan nagh deg wennar agraghlan i wakken ad yili nniđam yechban izerfan akkw tlella idd yeddán di tşerriħt agi lfaida d unawađ n sen.

Tamadda 29:

Amdan ghur-s lwadjeb i wegduđ idg i gemken ala deg-s kan, unerni ukmil n timmadit is.

Deg wmares izerfan is d ughellet n tlella ines, kull yiwen ur ikennu ala ddaw leqyud i gerşem lqanun wehd es i wakken ad yedmen asmussen d uqader izerfan d tlella n lghir is u daghen i wakken tisutriwin tighedmawin n wedyaz d nniđam n bailek d liser amataw dit emgarwa tagduđant (tadimuqratit).

Izerfan akkw d- tlella yagi, is yehwan yili, ur zmirn ara ad ttumarsen đedd inawađen d yimenzayen, n tmura yedduken.

Tamadda 30:

Ur telli tmadda di tşerriħit agi i gzemren ad-tettwafhem d-tikchi n lħeqq i ddulla, nagh i wegduđ nagh i wemdan i wakkn ad khedmen kra nagh ad marsen igi i ggeşden aħuddu izerfan akkw d-tlella idd yeddán deg-s.